

Fond Kantona Sarajevo za izgradnju i očuvanje grobalja šehida i poginulih boraca, memorijalnih centara i spomen-obilježja žrtava genocida (Skraćen naziv: Fond meorijala), ul. Širokac br. 22 Sarajevo, koga zastupa direktor Zijadić Suad, prof. (u daljem tekstu: Ugovorni organ)

i
Društvo za građevinarstvo, trgovinu i usluge „SELA“ d.o.o., ul. Rajlovačka cesta broj 31, Sarajevo, koga zastupa Tutić Sead, direktor (u daljem tekstu: Dobavljač)

Zajednički naziv za Ugovornog organa i Dobavljača je **UGOVORNE STRANE.**

zaključili su u Sarajevu, dana 30.04.2018.godine

U G O V O R o izvođenju radova

I PREDMET UGOVORA

član 1.

Predmet ovog ugovora je izvođenje radova na sanaciji hair česmi, fontana, kapija i drugih sadržaja na mezarjima šehida i spomen obilježjima.

Radovi se izvode prema usvojenom predmjeru i predračunu sa jediničnim cijenama koji je sastavni dio ovog Ugovora .

II CIJENA I NAČIN PLAĆANJA

član 2.

Vrijednost radova iz predmeta ovog ugovora bez PDV-a iznosi	4.920,00 KM
Vrijednost PDV-a	836,40 KM

Ugovorne strane su saglasne da ukupna vrijednost ugovora sa uključenim PDV-om od 17 % iznosi

5.756,40 KM

(slovima: pethiljadasedamstotinapedesetšest i 40/100KM)

član 3.

Ugovorni organ se obavezuje da će isplatiti ugovorenu cijenu nakon izvršenja predmeta ugovora i internog tehničkog prijema, a u zakonskom roku od 15 /petnaest/ dana od datuma prijema ovjerene fakture u Fond memorijala.

član 4.

Ugovorni organ zadržava pravo da Dobavljaču naloži izvođenje predmetnih radova fazno i isti radovi će se plaćati na osnovu privremenih situacija čija će se cijena utvrđivati na osnovu jediničnih cijena koje su iskazane i prihvaćene u ponudi Dobavljača koja je prihvaćena kao sastavni element ovog ugovora.

Naknadni radovi koji su neophodni mogu se izvesti na pismeni zahtjev nadzornog organa uz predhodno utvrđenu i od strane Ugovornog organa odobrenu cijenu i pismenu saglasnost.

Konačna vrijednost radova utvrdiće se na bazi zapisnika i ugovorenih jediničnih cijena.

III ROK

član 5.

Ugovorene strane su saglasne da je rok za izvršenje predmeta ugovora 45 /četrdesetpet/ kalendarskih dana od dana obostranog potpisivanja ugovora.

član 6.

Ugovoreni rok se može produžiti samo:

1. u slučaju zakašnjenja uvođenja u posao, za onoliko dana koliko je trajalo to zakašnjenje,
2. u slučaju više sile, za onoliko dana koliko su trajali razlozi produženja izazvani tom silom.

član 7.

U slučaju kašnjenja u izvođenju radova, do kojeg je došlo krivicom Dobavljača, isti će platiti ugovornu kaznu, u skladu sa Zakonom o obligacionim odnosima u iznosu od 1% vrijednosti ugovora, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti radova, koji su predmet ugovora. Dobavljač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa. Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumijeva slučaj kada ispunjenje obaveze postane nemoguće zbog vanrednih vanjskih događaja na koje Dobavljač nije mogao uticati niti ih predvidjeti.

član 8.

Pored obaveza predviđenih postojećim građevinskim propisima za predmetnu vrstu radova, Dobavljač je posebno dužan:

1. da prilikom izvođenja radova preduzme sve mjere da ne nanosi štetu susjednim objektima, saobraćaju i trećim licima. Sve štete koje izvođenjem radova prouzrokuje trećim licima snosi isključivo Dobavljač;
2. da o svome trošku otkloni sve nedostatke koji nisu nastali na radovima krivicom Ugovornog organa;
3. da na zahtjev nadzornog organa Ugovornog organa ukloni sa gradilišta nekvalitetan materijal;
4. da po završetku radova, ukloni sve pomoćne objekte koje je koristio za potrebe izvođenja radova i uredi i očisti prostor od otpadaka i drugog neupotrebljenog materijala;
5. da na gradilištu obezbijedi mjere zaštite na radu zaposlenih radnika kako svojih tako i eventualnih kooperanata,
6. da održava izvedene radove do pripremanja istih.

IV MJESTO IZVOĐENJA RADOVA

član 9.

Ugovorne strane su saglasne da su mjesta izvršenja ugovora kako slijedi:

- Kapija - Mezarje Kahrmani Pazarić
- Kapija - Mezarje Sjeverovići, općina Trnovo
- Mezarje Kovači Hrasnica
- Mezarje Brezovača

V NADZORNI ORGAN

član 10.

Za vršenje cjelokupnog nadzora nad izvođenjem ugovorenih radova Ugovorni organ ovlašćuje: Tehnička komisija Fonda memorijala.

član 11.

Dobavljač je obavezan da za svo vrijeme izvođenja radova uredno vodi građevinski dnevnik i građevinsku knjigu investicionih objekata.

Potrebne podatke za građevinsku knjigu utvrđuje zajednički Nadzorni organ i predstavnik Dobavljača, a unosi ih stručno lice Dobavljača po uputstvima Nadzornog organa.

član 12.

Ugovorni organ je dužan, po pismenoj obavijesti Dobavljača da je radove završio, zatražiti tehnički prijem u roku od 10 /deset/ kalendarskih dana, ako se nadzorni organ Ugovornog organa uvjeri da su stvoreni uslovi za tehnički prijem.

VI OSTALE ODREDBE

član 13.

Dobavljač radova odgovara za solidnost i kvalitet izvedenih radova za vrijeme od 2 (dvije) godine, računajući od dana primopredaje radova. Unutar ovoga roka Dobavljač je obavezan da o svom trošku na pismeni zahtjev Ugovornog organa, otkloni sve nedostatke koji bi se pojavili na izvedenim radovima usljed nesolidnog izvođenja ili upotrebe nekvalitetnog materijala.

član 14.


Na odnose između ugovornih strana koji nisu regulisani ovim ugovorom primjenjuju se odgovarajuće odredbe Zakona o obligacionim odnosima i Posebni Uzansi o građenju.

član 15.


U slučaju spora po ovom ugovoru stvarno i mjesno nadležan je sud u Sarajevu.

član 16.

Ugovor je sačinjen u 4 /četiri/ istovjetna primjerka, od kojih Dobavljaču pripadaju 2 /dva/, Ugovornom organu 1 /jedan/ primjerak, a 1 /jedan/ primjerak Nadzornom organu.



Broj:13-14-02-217/18
Sarajevo, 30.04.2018.godine



Broj: 118-507
Sarajevo, 7.5.2018

SANACIJA BETONSKIH KAPIJA I OGRADA NA MEZARJIMA ŠEHIDA I POGINULIH BORACA

Red .br	Opis stavke	Jedinica mjere	Količina	Jedinčna cijena	Ukupno
KAPIJA-MEZARJE KAHRIMANI PAZARIĆ					
1	Čišćenje, ispravljanje i vraćanje dijela limenog krova kapije u prvobitno stanje. Nakon ispravljanja pokrova u prvobitno stanje vratiti i opšav. U cijenu uračunati nabavku materijala za eventualnu zamjenu dijelova limenog pokrova, koje nije moguće ispraviti, kao i dijelove opšava koji nedostaju. Nove elemente prilagoditi postojećim. Poduzeti sve potrebne radnje da se kapija vrati u prvobitni izgled. (Prilog 1) Obračun paušalno.	paušal	1.00	450,00	450,00
KAPIJA – MEZARJE SJEVEROVIĆI OPĆINA TRNOVO					
1	Nabavka materijala, transport i opšivnje gornje ploče betonske kapije ravnim bojenim limom d=0,6 mm, boja čokolade, a sve prema nacrtima u prilogu (prilog 2). Limeni pokrov se montira na već pripremljenu postojeću podlogu od ljepenke. Dimenzije kapije u osnovi su 490 x 215 cm. U cijenu uračunati i izradu malog oluka kao i opšivanje betonske ploče. Obračun po komadu kompletno urađenog pokrova.	kom	1.00	1.300,00	1.300,00
MEZARJE KOVAČI HRASNICA					
1	Demontaža ostataka pokrovnog lima i opšava sa kupole česme. U cijenu uračunati i pripremu podloge za ponovnu montažu. To podrazumijeva i popravku hidroizolacije na mjestima gdje je oštećena ili postavljanje nove na mjestima gdje nedostaje u potpunosti, te čišćenje podloge. Utovar i odvoz otpadnog materijala na deponiju. Obračun paušalno.	paušal	1.00	100,00	100,00
2	Nabavka materijala, transport i opšivnje gornje ploče betonske kupole ravnim bojenim limom d=0,6 mm, a sve prema nacrtu u prilogu (prilog 3). Kupola je u osnovi prečnika d=283 cm. U cijenu				

	uračunati i opšivanje čela kupole bojenim limom d=0,6 mm. Obračun po komadu kompletno urađenog pokrova kupole.	kom	1.00	1.600,00	1.600,00
3	Skidanje dotrajalog sloja kulira sa sokla, pažljivo i detaljno čišćenje podloge i priprema za nanošenje novog kulirplasta. Površina mora biti ravna i suha. U cijenu uračunati i odvoz optadnog materijala na gradsku deponiju. Tačne dimenzije uzeti na licu mjesta. Obračun po m ² .	m ²	22.00	5,00	110,00
4	Izrada sokla kulirplastom, dekorativnim, plastičnim, zagladjenim malterom na bazi mermernog zrna, prirodne boje veličine do 2,2 mm. Boju odabrati sa investitorom, prije početka izvođenja radova. U cijenu stavke uračunati i rabić mrežicu i sav potrebni materijal. Tačne dimenzije uzeti na licu mjesta. Obračun po m ² .	m ²	22.00	30,00	660,00

MEZARJE BREZOVAČA

1	Demontaža dva oštećena polja ograde. Dimenzija polja koja je potrebno demontirati su 240 x 120 cm. Nakon izvršene demontaže izvršiti ispravljanje trećeg polja koje je samo nakrivljeno ali nema oštećenja. Demontažu izvršiti pažljivo kako ne bi došlo do oštećenja susjednih polja. U cijenu uračunati odvoz demontiranih polja na deponiju. Obračun po komadu demontiranog polja	kom	2.00	100,00	200,00
2	Nabavka materijala, radionička izrada, dopremanje i ugradnja dva polja ograde. Dimezije jednog polja su 240 x 120, a sve prema nacrtu u prilogu. (prilog 4). Stubovi ograde se rade od čeličnog kutijastog profila presjeka 40 x 40 mm. Stubovi su povezani čeličnim kutijastim profilima presjeka 30 x 30 cm. Ispuna polja je armaturna mreža, pojle 10x10 cm. Stubove sa postojećim betonskim temeljem povezati preko podložnih ploča sa ankerima, koje služe za povezivanje stubova za postojeći betonski temelj. Nova polja sa ostatkom ograde spojiti varenjem. Varove zaštititi antikorozivnim sredstvom, nakon toga izbrusiti te nanjeti finalni sloj. U cijenu uračunati i bojenje novih polja				

ograde temeljnom bojom, te završnom bojom u nijansi kao na ostojećoj ogradi. Obračun po komadu novog polja.	kom	2.00	250,00	500,00
UKUPNO BEZ PDV-a				4.920,00
POPUST				—
UKUPNO sa POPUSTOM bez PDV-a				4.920,00
PDV od 17%				836,40
UKUPNO SA PDV-om				5.756,40

